

經籍典第四百二十九卷

地志部總論

漢書 地理志序

昔在黃帝作舟車以濟不通旁行天下方制萬里畫歷分州得百里之國舊區是故易稱先王曰建萬國親諸侯書云協和萬國此之謂也堯遭洪水襄山襄陵天下分絕爲十二州使禹治之水土既平更制九州列五服任土作貢曰禹敷土隨山栞木莫高山大川冀州既載壺口治梁及岐既修太原至于嶽陽覃懷底績至于衡章厥土惟白壤厥賦上上錯厥田中中恆衛既從大陸既作烏夷皮服夾右碣石入於河沛河惟兗州九河既道雷夏既澤雍沮會同桑土既蠶是降丘宅土厥土黑墳山繇木條厥田中下賦貞作十有三年迺同厥貢漆絲厥棊織文浮於沛潔通于河海岱惟青州嵎夷既略惟岱其道厥土白墳海瀕廣瀉田上下賦中上貢鹽絺海物惟錯岱畎絲枲鉛松怪石萊夷作牧厥棊壓絲浮于汶達于沛海岱及淮惟徐州淮沂其乂蒙羽其莢大壑既豬東原底平厥土赤埴墳草木漸包田上中賦中中貢土五色羽畎夏狄嶧陽孤桐泗濱浮磬淮夷蠙珠泉魚厥棊元纁埴墳草木漸包田上中賦中中貢土五色羽畎夏狄嶧陽孤桐泗濱浮磬淮夷蠙珠泉魚厥棊元纁

縞浮于淮泗達于河淮海惟揚州彭蠡既豬陽鳥道居三江既入震澤底定篠簜既敷以天木喬厥
土塗泥田下下賦下上錯貢金三品瑤瓊篠簜齒革羽毛鳥夷卉服厥棊織貝厥包橘柚錫貢均江
海通于淮泗荆及衡陽惟荊州江漢朝宗于海九江孔殷沱潛既道雲夢土作乂厥土塗泥田下中
上下貢羽旄齒革金三品杔幹栝柏厲砥砮丹惟箇輅楮三國底貢厥名包匭菁茅厥棊元纁璣
組九江納錫大龜浮于江沱潛漢逾于洛至于南河荆河惟豫州伊雝瀍澗既入于河滎波既豬道
荷澤被盟豬厥土惟壤下土墳壚田中上賦錯上中貢漆枲絺紵棊織績錫貢聲錯浮于洛入于河
華陽黑水惟梁州岷嶓既蒞沱潛既道蔡蒙旅平和夷底績厥土青黎田下上賦下中三錯貢璆鐵
銀鏤簪磬熊羆狐狸織皮西頃因桓是俠浮于潛逾于沔入于渭亂于河黑水西河惟雍州弱水既
西涇屬渭汭漆沮既從鄠水迺同荆岐既旅終南惇物至于鳥鼠原隰底績至于豬豮三危既宅三
苗丕叙厥土黃壤田上上賦中下貢球琳琅玕浮于積石至于龍門西河會于渭汭織皮崑崙析支
渠叟西戎卽叙道汧及岐至于荆山逾于河壺口雷首至于太嶽底柱析城至于王屋太行恆山至
于碣石入于海西頃朱圉鳥鼠至于太華熊耳外方桐柏至于倍尾道嶓冢至于荆山內方至于大

別嶧山之陽至于衡山過九江至于敷淺原道弱水至于合黎餘波入于流沙道黑水至于三危入于南海道河積石至于龍門南至于華陰東至于底柱又東至于盟津東過洛汭至于大伾北過降水至于大陸又北播爲九河同爲逆河入于海嶧冢道漾東流爲漢又東爲滄浪之水過三澨至于大別南入于江東匯澤爲彭蠡東爲北江入于海嶧山道江東別爲沱又東至于醴過九江至于東陵東迤北會于匯東爲中江入于海道沈水東流爲沛入于河軼爲滎東出于陶丘北又東至于荷又東北會于汶又北東入于海道淮自桐柏東會于泗沂東入于海道渭自鳥鼠同穴東會于酆又東至于涇又東過漆沮入于河道洛自熊耳東北會于澗澠又東會于伊又東北入于河九州道同四奧旣宅九山棐旅九川滌原九澤旣陂四海會同六府孔修庶土交正底慎財賦咸則三壤成賦中國錫土姓祇台德先不距朕行五百里甸服百里賦內總二百里內銍三百里內戛服四百里粟五百里米五百里侯服百里采二百里男國三百里諸侯五百里綏服三百里揆文教二百里奮武衛五百里要服三百里夷二百里蔡五百里荒服三百里蠻二百里流東漸于海西被于流沙朔南

泉聲教訖于四海禹錫元圭告厥成功後受禪于虞爲夏后氏殷因于夏亡所變改周旣克殷監於

二代而損益之定官分職改禹徐梁二州合之於雍青分冀州之地曰爲幽并故周官有職方氏掌天下之地辨九州之國東南曰揚州其山曰會稽藪曰具區川曰三江寢曰五湖其利金錫竹箭民二男五女畜宜鳥獸穀宜稻正南曰荊州其山曰衡藪曰雲夢川曰江漢寢曰潁湛其利丹銀齒草民一男二女畜及穀宜與揚州同河南曰豫州其山曰華藪曰圃田川曰滎雒寢曰波澨其利林漆絲枲民二男三女畜宜六擾其穀宜五種正東曰青州其山曰沂藪曰孟諸川曰淮泗寢曰沂沐其利蒲魚民二男三女其畜宜鷄狗穀宜稻麥河東曰兗州其山曰岱藪曰泰壑其川曰河泚寢曰盧澨其利蒲魚民二男三女其畜宜六擾穀宜四種正西曰雍州其山曰嶽藪曰弦蒲川曰涇汭寢曰渭洛其利玉石其民三男二女畜宜牛馬穀宜黍稷東北曰幽州其山曰醫無閭藪曰鏹養川曰河泚寢曰菑時其利魚鹽民一男三女畜宜四擾穀宜三種河內曰冀州其山曰霍藪曰揚紆川曰漳寢曰汾潞其利松柏民五男三女畜宜牛羊穀宜黍稷正北曰并州其山曰恆山藪曰昭餘祁川曰庫陀嘔夷其寢曰涑易其利布帛民二男三女畜宜五擾穀宜五種而保章氏掌天文曰星土辯九州之地所封域皆有分星曰視吉凶周爵五等而土三等公侯百里伯七十里子男五十里不滿

爲附庸蓋千八百國而太昊黃帝之後唐虞侯伯猶存帝王圖籍相踵而可知周室旣衰禮樂征伐自諸侯出轉相吞滅數百年間列國耗盡至春秋時尙有數十國五伯迭興總其盟會陵夷至於戰國天下分而爲七合從連衡經數十年秦遂并兼四海曰爲周制微弱終爲諸侯所喪故不立尺土之封分天下爲郡縣盪滅前聖之苗裔靡有子遺者矣漢興因秦制度崇恩德行簡易曰撫海內至武帝攘卻胡越開地斥境南置交趾北置朔方之州兼徐梁幽并夏周之制改雍曰涼改梁曰益凡十三部置刺史先王之迹旣遠地名又數改易是曰采獲舊聞考迹詩書推表山川曰綴禹貢周官春秋下及戰國秦漢焉

後漢書 郡國志序

漢書地理志記天下郡縣本末及山川奇異風俗所由至矣今但錄中興以來郡縣改異及春秋三史會同征伐地名以爲郡國志凡前志有縣名今所不載者皆世祖所并省也前無今有者後所置也凡縣名先書者郡所治也

晉書 地理志總序

昔者元胎無象太素流形對越在天以爲元首則記所謂冬居營窟夏居橧巢飲血茹毛未有麻絲者也及燧人鑽火庖犧出震風宗下武炎引昌基畫野無聞其歸一揆黃帝則東海南江登空躡岱至於崑峯振轡風山訪道存諸汗竹不可厚誣高陽任地依神帝嚳順天行義東踰蟠木西濟流沙北至幽陵南撫交趾日月所經舟車所至莫匪王臣不踰茲域帝堯時禹平水土以爲九州虞舜登庸厥功彌劬表提類而分區宇判山河而考疆域冀北創并部之名燕齊起幽營之號則書所謂肇十有二州封十有二山者也夏功在於唐堯殷因無所損益周武克商自豐徂鎬至成王時改作禹貢徐梁入於青雍冀野析於幽并職方掌天下之土以周厥利保章辨九州之野皆有分星東南曰揚州正南曰荊州河南曰豫州正東曰青州河東曰兗州正西曰雍州東北曰幽州河內曰冀州正北曰并州始皇初并天下懲忒戰國削罷列侯分天下爲三十六郡於是興師踰江平取百越又置閩中南海桂林象郡凡四十郡郡一守焉其地則西臨洮而北沙漠東縈西帶皆臨大海漢祖龍興革秦之弊分內史爲三部更置郡國二十有三文增厥九景加其四武帝開越攘胡初置十七拓土分疆又增十四昭帝少事又增其一至平帝元始二年凡新置郡國七十有一與秦四十合一百一

十有一改雍曰涼改梁曰益又置徐州復夏舊號南置交趾北有朔方凡爲十三部光武投戈之歲在彫耗之辰郡國蕭條并省者八建武十一年省州牧復爲刺史員十三人各掌一州明帝置一章帝置二和順改作其名有九省朔方刺史合之於司隸凡十三部而郡國百有八焉桓靈頗增於前復置六郡魏武定霸三方鼎立生靈板蕩關洛荒蕪所置者十二所省者七而文帝置七明及少帝增二得漢郡者五十四焉蜀先主於漢建安之間初置郡九後主增二得漢郡者十有一焉吳主大皇帝初置郡五少帝景帝各四歸命侯亦置十有二郡得漢郡者十有八焉晉武帝太康元年既平孫氏凡增置郡國二十有三省司隸置司州別立梁秦寧平四州仍吳之廣州凡十九州郡國一百七十三以爲冠帶之國盡有殷周之土若乃敦龐於天地之始昭晰於犧農之世用長黎元未爭疆場而玉環桔矢夷裘風駕南輦表貺東風入律光乎上德奚遠弗臻然則星象麗天山河紀地端掖裁其弘敞嶠函判其都邑仰觀俯察萬物攸歸是以洛汭咸陽宛然秦漢晉濱河西同知堯禹于茲新邑宅是鎬京五尺童子皆能口誦者史官弗之書也昔庖犧氏生於成紀而爲天子都於陳神農氏都陳而別營於曲阜黃帝生於壽丘而都於涿鹿少昊始自窮桑而遷都曲阜顓頊始自窮桑而

徙邑商丘高辛卽號建都於亳孫卿子曰不登高山不知天之高不臨深谿不知地之厚也大哉坤象萬物資生載崑華而不墜傾河海而寧泄考卜惟王乘飛駐軫睨崢嶸山而鑄勒覽曾城以爲翫時逢稽浸道接陵夷平王東遷星離豆剖當塗馭寓瓜分鼎立世祖武皇帝接千祀之餘當入堯之禪先王桑梓罄宇來歸斯固可得而言者矣惠皇不虞中州盡棄永嘉南度綸行建鄴九分天下而有二焉

宋書 州郡志序

唐堯之世置十有二牧及禹平水土更置九州冀州堯都土界廣遠濟河爲兗州海岱爲青州海岱及淮爲徐州淮海爲揚州荆及衡陽爲荊州荆河爲豫州華陽黑水爲梁州黑水西河爲雍州自虞至殷無所改變周氏既有天下以徐并青以梁并離分冀州之地以爲幽并漢初又立徐梁二州武帝開地斥境南置交趾北置朔方改離曰涼改梁曰益凡爲十三州而司隸部三輔三河諸郡東京無復朔方改交趾曰交州凡十三州司隸所部如故及三國鼎峙吳得揚荆交三州蜀得益州魏氏猶得九焉吳又分交爲廣魏末平蜀又分益爲梁晉武帝太康元年天下一統凡十有六州後又分

涼離爲秦分荆揚爲江分益爲寧分幽爲平而爲二十矣自西晉旣亡五姓雲擾司冀離涼青并兗豫幽平諸州一時淪沒遺民南渡並僑置牧司非舊土也江左又分荆爲湘或離或合凡有揚荆湘江梁益交廣其徐州則有過半豫州惟得譙城而已及至宋世分揚州爲南徐徐州爲南兗揚州之江西悉屬豫州分荆爲離分荆湘爲郢分荆爲司分廣爲越分青爲冀分梁爲南北秦太宗初索虜南侵青冀徐兗及豫州淮西並皆不守自淮以北化成虜庭於是於鍾離置徐州淮陰爲北兗而青冀二州治贛榆之縣今志大校以大明八年爲正其後分派隨事記列內史侯相則以昇明末爲定焉地理參差其詳難舉實由名號驟易境土屢分或一郡一縣割成四五四五之中亟有離合千回百改巧曆不算尋校推求未易精悉今以班固馬彪二志太康元年定戶王隱地道晉世起居承初郡國與徐州郡及地理雜書互相考覆且三國無志事出帝紀雖立郡時見而置縣不書今唯以續漢郡國校太康地志參伍異同用相徵驗自漢至宋郡縣無移改者則注云漢舊其有回徙隨源甄別若唯云某無者則此前皆有也若不注置立史闕也

北魏書 地形志序

夏書禹貢周氏職方中畫九州外薄四海析其物土制其疆域此蓋王者之規摹也戰國分并秦吞海內割裂都邑混一華夷漢興卽其郡縣因而增廣班固考地理馬彪志郡國魏世三分晉又一統地道所載又其次也自劉淵石勒傾覆神州僭逆相仍五方淆亂隨所跨擅各爲雄長更相侵食彼此不恆犬牙未足論繡錯莫能比魏定燕趙遂荒九服夷翦逋僞一國一家遺之度外吳蜀而已正光已前時惟全盛戶口之數比夫晉之太康倍而已矣孝昌之際亂離尤甚恆代而北盡爲丘墟潼潼已西煙火斷絕齊方全趙死如亂麻於是生民耗滅且將大半永安末年胡賊入洛官司文簿散棄者多往時編戶全無追訪今錄武定之世以爲志焉州郡勑改隨而注之不知則闕內史及相仍代相沿魏自明莊寇難紛糾攻伐旣廣啟土逾衆王公錫社一地累封不可備舉故總以爲郡其淪陷諸州戶據永熙綰繙無者不錄焉

隨書 地理志序

自古聖王之受命也莫不體國經野以爲人極上應躔次下裂山河分疆畫界建都錫社是以放勛御曆修職貢者九州文命會同執玉帛者萬國洎於殷遷夏鼎周黜殷命雖質文之用不同損益之

途或革而封建之制率由舊章於是分土惟三列爵惟五千里以制畿甸九服以別要荒十國爲連
連有帥倍連爲卒卒有正皆所以式固鴻基藩屏王室興邦致化康俗庇人者歟周道旣衰諸侯力
政干戈日用戎馬生郊疆陵弱衆暴寡魯滅於楚鄭滅於韓田氏篡齊六卿分晉其餘弑君亡國不
得守其社稷者不可勝數逮於七雄競逐二帝爭疆疆場之事一彼一此秦始皇據百二之巖險奮
六世之餘烈力爭天下蠶食諸侯在位二十餘年遂乃削平內懲周氏之微弱恃狙詐以爲疆蔑
棄經典罷侯置守子弟無立錐之地功臣無尺土之賞身沒而區宇幅裂及子而社稷淪胥漢高祖
挺神武之宏圖掃清禍亂矯秦皇之失策封建王侯並跨州連邑有踰古典而郡縣之制無改於秦
逮於孝武務勤遠略南兼百越東定三韓通邛笮之險塗斷匈奴之右臂雖聲教遠洎而人亦勞止
昭宣之後罷戰務農戶口旣其滋多郡縣亦有增置至於平帝郡國一百有三戶一千二十三萬光
武中興承王莽之餘弊兵戈不戢饑疫荐臻率土遺黎十纔一二仍併省郡縣四百餘所明章之後
漸至滋繁郡縣之數有加曩日逮炎靈數盡三國爭疆兵革屢興戶口減半有晉太康之後文軌方
同大抵編戶二百六十餘萬尋而五姓逆亂二帝播遷東晉洎於宋齊僻陋江左苻姚之與劉石竊

據中原事跡糾紛難可具紀梁武帝除暴寧亂奄有舊吳天監十年有州二十三郡三百五十縣千
二十二其後務恢境宇頻事經略開拓閩越克復淮浦平俚洞破牂柯又以舊州遐闊多有析置大
同年中州一百七郡縣亦稱於此旣而侯景構禍臺城淪陷墳籍散逸注記無遺郡縣戶口不能詳
究逮於陳氏土宇彌感西亡蜀漢北喪淮肥威力所加不出荆揚之域州有四十二郡唯一百九縣
四百三十八戶六十萬後齊承魏末喪亂與周人抗衡雖開拓淮南而郡縣僻小天保之末總加併
省洎乎國滅州九十有七郡一百六十縣三百六十五戶三百三萬周氏初有關中百度草創遂乃
訓兵教戰務穀勸農南清江漢西兼巴蜀卒能以寡擊衆戡定疆鄰及於東夏削平多有省廢大象
二年通計州二百一十一郡五百八縣一千一百二十四高祖受終惟新朝政開皇三年遂廢諸郡
洎於九載廓定江表尋以戶口滋多析置州縣煬帝嗣位又平林邑更置三州旣而併省諸州尋卽
改州爲郡乃置司隸刺史分部巡察五年平定吐谷渾更置四郡大凡郡一百九十縣一千二百五
十五戶八百九十萬七千五百四十六口四千六百一萬九千九百五十六墾田五千五百八十五
萬四千四十一頃其邑居道路山河溝洫沙磧鹹鹵丘陵阡陌皆不預焉東西九千三百里南北萬

四千八百一十五里東南皆至於海西至且末北至五原隋氏之盛極於此也

唐書 地理志序

自秦變古王制亡始郡縣天下下更漢晉分裂爲南北至隋滅陳天下始合爲一乃改州爲郡依漢制置太守以司隸刺史相統治爲郡一百九十縣一千二百五十五戶八百九十萬七千五百三十六口四千六百一萬九千九百五十六其地東西九千三百里南北一萬四千八百一十五里東南皆至海西至且末北至五原唐興高祖改郡爲州太守爲刺史又置都督府以治之然天下初定權置州郡頗多太宗元年始命併省又因山川形便分天下爲十道一曰關內二曰河南三曰河東四曰河北五曰山南六曰隴右七曰淮南八曰江南九曰劍南十曰嶺南至十三年定簿凡州府三百五十八縣一千五百五十一明年平高昌又增州二縣六其後北殄突厥頡利西平高昌北踰陰山西抵大漠其地東極海西至焉耆南盡林州南境北接薛延陀界東西九千五百一十一里南北一萬六千九百一十八里景雲二年分天下郡縣置二十四都督府以統之旣而以其權重不便罷之開元二十一年又因十道分山南江南爲東西道增置黔中道及京畿都畿置十五採訪使檢察如

漢刺史之職天寶盜起中國用兵而河西隴右不守陷於吐蕃至大中咸通始復隴右乾符以後天下大亂至於唐亡然唐之盛時開元天寶之際東至安東西至安西南至日南北至單于府蓋南北如漢之盛東不及而西過之開元二十八年戶部帳凡郡府三百二十有八縣千五百七十三戶八百四十一萬二千八百七十一口四千八百一十四萬三千六百九考隋唐地理之廣狹戶口盈耗與其州縣廢置其盛衰治亂興亡可以見矣蓋自古爲天下者務廣德而不務廣地德不足矣地雖廣莫能守也嗚呼盛極必衰雖曰勢使之然而殆忽驕滿常因盛大可不戒哉

遼史 地理志序

帝堯畫天下爲九州舜以冀青地大分幽并營爲州十有二幽州在渤海之間并州北有代朔營州東暨遼海其地負山帶海其民執干戈奮武衛風氣剛勁自古爲用武之地太祖以迭剌部之衆代遙輦氏起臨潢建皇都東併渤海得城邑之居百有三太宗立晉有幽涿檀薊順營平蔚朔雲應新媯儒武襄十六州於是割古幽并營之境而撫有之東朝高麗西臣夏國南子石晉而兄弟趙宋吳越南唐航海輸貢嘻其盛矣遼國其先曰契丹本鮮卑之地居遼澤中去榆關一千一百三十里去

幽州又七百一十四里南控黃龍北帶潢水冷陁屏右遼河塹左高原多榆柳下隰饒蒲葦當元魏時有地數百里至唐大賀氏蠶食扶餘至韋奚靺鞨之區地方二千餘里貞觀三年以其地置元州尋置松漠都督府建八部爲州各置刺史遼稽部曰峭落州紇便部曰彈汗州獨活部曰無逢州芬阿部曰羽陵州突便部曰日連州芮奚部曰徒河州墜斤部曰萬丹州伏部曰匹黎赤山二州以大賀氏窟哥爲使持節十州軍事分州建官蓋昉於此迨於五代闢地東西三千里遙輦氏更八部曰星利皆部乙室活部實活部納尾部頻沒部內會鷄部集解部奚靺部屬縣四十有一每部設刺史縣置令太宗以皇都爲上京升幽州爲南京改南京爲東京聖宗城中京興宗升雲州爲西京於是五京備焉又以征伐俘戶建州襟要之地多因舊居名之加以私奴置投下州總京五府六州軍城百五十有六縣二百有九部族五十有二屬國六十東至於海西至金山暨于流沙北至臚胸河南至白溝幅員萬里

宋史 地理志序

唐室旣衰五季迭興五十餘年更易八姓寓縣分裂莫之能一宋太祖受周禪初有州百一十一縣

六百三十八戶九十六萬七千三百五十三建隆四年取荆南得州府三縣一十七戶一十四萬二千三百平湖南得州一十五監一縣六十六戶九萬七千三百八十八乾德三年平蜀得州府四十六縣一百九十八戶五十三萬四千三十九開寶四年平廣南得州六十縣二百一十四戶一十七萬二百六十三八年平江南得州十九軍三縣一百八戶六十五萬五千六十五計其末年凡有州二百九十七縣一千八十六戶三百九萬五百四太宗太平興國三年陳洪進獻地得州二縣十四戶十五萬一千九百七十八錢俶入朝得州十三軍一縣八十六戶五十五萬六千八百八十四年平太原得州十軍一縣四十戶三萬五千二百二十五年李繼捧來朝得州四縣八至是天下旣一疆理幾復漢唐之舊其未入職方者惟燕雲十六州而已至道三年分天下爲十五路天聖析爲十八元豐又析爲二十三曰京東東西曰京西南北曰河北東西曰永興曰秦鳳曰河東曰淮南東西曰兩浙曰江南東西曰荆湖南北曰成都梓利夔曰福建曰廣南東西東南際海西盡巴夔北極三關東西六千四百八十五里南北萬一千六百二十里崇寧四年復置京畿路大觀元年別置黔南路三年并黔南入廣西以廣西黔南爲名四年仍舊爲廣南西路當是時天下有戶二千八十八萬二千